



साःगु भिंगु मरिचरिया निंति लुमका दिस्सँ !

लक्ष्मण जमाल 'चिलिमि' प्रोप्राइटर

लाखा छँ
LAKHA CHHEN

सोहखुटे, वडा नं. १६, येँ, फोन नं.: ४५६०७५८

पद्मरत्न तुलाधर बहुआयामिक व्यक्तित्व : उपप्रम श्रेष्ठ पद्मरत्नया विचाःयात निरन्तर न्ह्याका यंके : डा. शाक्य

● लहना संवाददाता

वरिष्ठ मानव अधिकारवादी नेता लिसे नेवाः न्ह्यलुवा पद्मरत्न तुलाधरयात कयाः च्यातःगु थीथी च्वसु मुना सफू 'लुमन्तिइ पद्मरत्न तुलाधर' सफूया विमोचन उपप्रधान लिसे परराष्ट्र मन्त्री नारायणकाजी श्रेष्ठ वंगु शनिवाः यलया असोक हलय् विमोचन यानादिल ।

सफू विमोचन ज्याइवल्य पुलाम्ह सभामुखया लिसे मानव अधिकारवादी नेता दमननाथ ढुंगाना, भाषा सेवी हितकरवीर सिंह कंसाकार, परराष्ट्रविद् हिरण्यलाल श्रेष्ठ, व साहित्यकार नर्मदेश्वर प्रधानयात दोसल्लां न्ययेकाः हंगु खः ।

ज्याइवल्य न्वायेगु इवल्य मूपाहां परराष्ट्र मन्त्री श्रेष्ठ पद्मरत्न तुलाधर बहुआयामिक व्यक्तित्व जूगु धासें वय्कं भाषिक अधिकार, मानव अधिकार, जनजाति अधिकार व उत्पीडित वर्गया अधिकारया लिसे साहित्य व पत्रकारिता क्षेत्रय् यानादीगु योगदानयात कयाः चर्चा यानादीगु खः । लिसे परराष्ट्र मन्त्री श्रेष्ठ नेपाःया लोकतान्त्रिक आन्दोलनय् पद्मरत्न तुलाधर योगदान मबिउगु खःसा नेपाः थौया अवस्थाय् थ्यंके मफइगु खँ नं धयादीगु खः ।

अथे हे ज्याइवल्य न्वायेगु



इवल्य सम्मानित जुयादीमह दमननाथ ढुंगाना पद्मरत्न मदयाः देय्यात तःधंगु क्षति जूगु जक मखुसें शान्ति प्रक्रिया आः तक नं पूर्वके मफयाच्वंगु खँ धयादिल ।

उकथं हे मेमह सम्मानित जुयादीमह हितकरवीर सिंह कंसाकार बागमती प्रदेश सरकार नेपालभाषायात मान्यता बिउसां नं उकियात लसकुस यायेत जूगु ज्याइवल्य नेवाःतय् म्हे

उपस्थित जूगु धासें दुःख प्वकादिल । उकथं हे बागमति प्रदेशया संस्कृति, पर्यटन तथा सहकारी मन्त्री शैलेन्द्रमान वज्राचार्य देशय् संघीयता मवःगु जूसा भाषिक अधिकार चूलाके मफइगु खँ धासे भाषिक अधिकार वयेधुंकाः उकियात गुकथं छ्यला बुलाय् हयेगु धकाः बिचाः ब्याकेमाःगु खँ धयादिल ।

उकथं हे यलया मेयर चिरिबाबु महर्जन पद्मरत्नया योगदानयात कयाः

चर्चा यानादिसें आकिवं पद्मरत्नयात कयाः जुइगु ज्याइवः यल महानगरपालिकां यायेगु खँ कनादिल । उकथं हे येँ महानगरपालिकाया उपमेयर सुनिता डंगोलं मद्मह पद्मरत्न तुलाधरया नामं छुं ज्या यायेमाः धकाः हे येँ महानगरपालिकां सफू पिकायेत ग्वाहालि यानागु खँ कनादिसें सफू पिथने दयाः थःपिं लय्ताःगु जक मखुसें आः नेपालभाषाया आन्दोलनयात छँय्

छँय् न्ह्याकेमाःगु खँ धयादिल । वय् कलं न्हापा भाषिक अधिकार मद्गुलिं सतकय् वयाः आन्दोलन यायेमाःगु खःसा आः भाषिक अधिकार वयेधुंकाः छँय् छँय् आन्दोलन न्ह्याकेमाःगु खँ धयादीगु खः । वय्कलं छँय् छँय् नेवाः भाय् ल्हायेगु म्हे जुयाच्वंगु धासें यदि भाषिक अधिकार वयेधुंकाः नं छँय् छँय् न्वमवायेगु खःसा उकिया औचित्य मदइगु बिचाः प्वकादीगु खः ।

गुथिया नायः केवशमान शाक्यया सभापतित्वय् न्ह्याःगु ज्याइवल्य सफूयात कयाः पद्मरत्न लुमन्ति दबूया दुजः लिसे सफूया सम्पादक ज्ञानराम श्रेष्ठ न्ववानादीगु खःसा गुथिया दुजः लिसे पद्मरत्न तुलाधरया न्ह्याय् सुनिमा तुलाधरं लसकुस यानादीगु खः ।

सभापति डा. शाक्य पद्मरत्न तुलाधर बहुआयामिक व्यक्तित्व जुयादीगु खँयात सुनां नं नकारे याय् मफइगु खँ कनादिसें वय् कःया विचाःयात निरन्तर न्ह्याकेगु निंति पद्मरत्न तुलाधर लुमन्ति गुथिया पलिस्था जूगु खँ कनादिल । थःपिं पद्मरत्न तुलाधरया आन्दोलनय् सदां लिउलिउ दुगुलिं थुगु बिचाःयात लिपा थ्यंके ल्यंकेत व लोकतन्त्रयात अभ् सशक्त दय्केत न्ह्याबले तत्पर जुयाः न्ह्यज्यायेगु खँ कनादिल ।

आदिवासी संकिपाया कथावस्तु सम्बन्धी कार्यशाला न्ह्यात



'आदिवासी जनजाति संकिपाया लागि कथावस्तु छनौट' विषयक कार्यशाला गोष्ठी यल्य न्ह्याःगु दु । नेवाः फिल्म सोसाइटीया खसालय् प्यन्हुयंकया कार्यशाला गोष्ठी आइतबाः (असार ९) निसें यलया नुगल्य न्ह्याःगु खः ।

आइतबाः छा ज्याइवःया दथुइ आदिवासी जनजाति चलचित्र महासंघया नायः पुर्खाजित राई गोष्ठीया उलेज्या यानादिल । ज्याभ् वलय् न्वासें महासंघया नायः राई नेपालया मातृभाषी संकिपाया

सुरुवात नेवाः संकिपा 'सिलु' पाखें जूगु लुमंकुसें आदिवासी जनजाति संकिपाया उत्थानया लागि नेवाः समुदायया हे भूमिका महत्त्वपूर्ण जुइगुलिइ बः बियादिल । नेवार समुदाय मदक ह्यूपः वइमखु धकाः गुठी विधेयकविरुद्धया आन्दोलनं नं प्रमाणित यायेधुंकेल । आः मातृभाषी संकिपाया छ्यःया उत्थानया लागि नं नेवाः समुदाय हे दनेमाः । नेवाः समुदाय मदक भोगु विकास जुइमखु नायः राई धयादिल ।

त्यं ७ पेजय्





नेवाः राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छ्म
जातितय् स्वायत्त राज्य लुइ कर्प च्वय् भिर्लीमिलिं
राष्ट्र भःभः धाय्क न्ह्याके भीगु चर्तिं भीगु हिं

सम्पादकीय



गुरुयोजना मदयकूसे 'भेहिकल फ्री जोन'

यँ महानगरं राजधानीइ सम्पदा क्षेत्रय् 'भेहिकल फ्री जोन' दयकेत्यगुलि विरोध जुयाच्वंगु दु। महानगरया कार्यपालिका बैठकय् प्रस्ताव यागु नीति व कार्यक्रमया ३८ गु बुँदाय् विश्व सम्पदासूचीइ सूचीकृत बौद्ध व स्वयम्भु महाचैत्यय् महानगरया मातहतय् सञ्चालन व व्यवस्थापन यायेत माःगु कथं समन्वय व कानुनी प्रबन्ध यायेगु उल्लेख दु। उगु बुँदाय् विश्व सम्पदा धलखय् सूचीकृतबाहेक न्ह्युगु सतक, नरलय् दुगु हाँडीगां प्राचीन पुरातात्विक व विशेष महत्वय् फ्री भेहिकल जोनया कथं विकास यायेगु धका ध्यातःगु दु। महानगरया उगु प्रस्तावयात कया स्थानीयतय्स विरोध याना वयाच्वंगु खः।

स्थानीयतय्स थ्व हे यात कया वडा नं. २२ व २३ बिरोध यायेगु सुरु यागु दु। आदिवासी स्थानीयतयेगु नयेगु व त्वनेगु कथं स्वागु विषययात कया हचुवां कया सवारीसाधन चले याये मदइगु धका याःगु निर्णययात स्थानीय व अन च्वपि व्यापारी तय्स विरोध याःगु दु। आःतक थुगु प्रस्ताव पास जुगु मनुनि। मेयर बालेन्द्र साहं थुगु ज्या पेल्ले याना जुसा सम्पदा क्षेत्रय् भेहिकल फ्री जोन दयेकगु योजना दयका तःगु दु। प्राचीन सम्पदा शहर व प्राचीन व्यापारिक यायेगु थाय् गज्यागु जुइ ? पूर्वाधार मदयक म्हो जुया वयाच्वंगु ग्राहक व पर्यटकत कन्त्य हाकन न उगु थासय् हयेगु योजना छु दु ? थज्यागु विषय ध्यान मतसे थःगु एकलौटी निर्णय यायेत स्वंगु यँ महानगरया तदःगु कमजोरी जुइफु।

खय्त ला मेयर साह न यागु थुगु प्रस्तावय् एमाले, नेपाली कांग्रेस व एकीकृत समाजवादीया वडा अध्यक्ष संशोधन यायेगु माग याये धुकुगु दु। अभियन्ता नाप स्थानीय तयेगु ल्वापु याका वडा अध्यक्षतयेत बबथलेगु मेयर साहं यागु थीथी कृत जुयाच्वंगु खः। स्थानीयपिनिगु सहमति मदयक थज्यागु ज्या लिपातक बालाइ मखु। विनाआधार प्राचीन व्यवसाय न्ह्येकेगु कथं जुइगु निर्णय मान्य जुइ मखु धका स्थानीय तयेगु धापु दु। फ्री भेहिकल जोन दयकेत अन यागु व्यवसाय गये जुइ ? थज्यागु खँय् विश्लेषण मयासे याइगु निर्णय मान्य जुइ फइ मखु।

थ्व हे योजना कथं महानगरं न्हसतकय् सवारी निषेधित क्षेत्र दयकेगु लागि पार्किङ चिइकूगु खः। पार्किङ चिइकेवं फुटपाथ दयकेगु योजना हःगु खः। सडक विभाग व वडा कार्यालयं विरोध याये धुका फुटपाथ विस्तार यायेगु दिक्क दु। हाकन फ्री भेहिकल जोनया नामय् न्हसतकय् च्वपिन्त बिस्थापित यायेत स्वंगु धका स्थानीयतयस धया वयाच्वंगु खः। छु न योजना दयके न्ह्यः अन यागु गुरुयोजना दयकेमाः। अन च्वपि स्थानीय जनप्रतिनिधि व सरोकारवालापि नाप सहलह ब्याकेमाः वया लिपा जक निर्णय यासा तसक बालाइ। अन न्हापानिसे याना वयाच्वंगु व्यवसाय व प्राचीन इतिहास न्हकेगु कथ ज्या जुइगु भेहिकल फ्री जोन दयके मज्यु। थुगु विषयखय् महानगरं ध्यान बिइमाः।

स्थानीय भाषा ऐन निर्माणया अभियान छाय् ?



श्रीकृष्ण महर्जन नेवाः

थनि निदँ न्ह्यःया खँ। अबले बागमती प्रदेशं नेपालभाषा व तामाङ भाषायात सरकारी कामकाजि भाषाया रुपय् लागू मयात धाःसा आन्दोलन यायेगु घोषणा हेटीँडाय् हे च्वना जुगु खः। अबले नेवाः देय् दबू स्वनिगः विशेष प्रदेश, नेपाल तामाङ घेदुङ बागमती प्रदेश व नेवाः देय् दबू बागमती प्रदेशया मंकाः बैठक बागमती प्रदेशया राजधानी हेटीँडाय् हे च्वन। थनि निदँ न्ह्यःया असार ३ गते च्वंगु गुगु बैठकं बागमती प्रदेशय् नेपालभाषा व तामाङ भाषायात भाषा आयोगया सिफारिस कथं सरकारी कामकाजि भाषाया रुपय् लागू यायेत प्रदेशं कानुन दयेकमाःगु ज्या यात आः तक नं बेवास्ता यानाच्वंगुलिं आः आन्दोलनय् क्वहां वनेत बाध्य जुगु दु धकाः तर्क ठहर याःगु खः। अबले आन्दोलनया नितिं असार महिनाया दुने अन्तिम तयारी यायेगु व साउन महिनासिं आन्दोलन यायेगु धकाः विज्ञापित तर्क पिथनेगु ज्या याःगु खः।

२०७६ असार ३ गते जारी याःगु मंकाः विज्ञापित थुकथं उल्लेख जुयाच्वंगु दु :

नेपाःया संविधान धारा २८७ (६) क एवं धारा ७ (३) या प्रावधान बमोजिम भाषा आयोगं सरकारी कामकाजया रुपमा छु यलेत सम्बन्धित प्रतिवेदन तयार याना नेपाल सरकारयात पेश याये धुकूगु नेपालभाषा व तामाङ भाषा कार्यान्वयनया नितिं सिफारिस याःगु पौ संघीय सरकारया संस्कृति तथा पर्यटन नागरिक उड्डयन मन्त्रालयसं छ्वःगु व उगु मन्त्रालयपाखें बागमती प्रदेशया संस्कृति तथा पर्यटन मन्त्रालययात छ्वये धुकूगु दु। भाषा आयोगं गुला न्ह्यः हे सिफारिस याःगु खः। व हे कथं बमगती प्रदेशं कानुन दयेका लागू यायेगु ज्या यायेगु नितिं आः तक नं छुं नं प्रक्रिया न्ह्यःने यंकेगु ज्या मयाःगुलिं जिपिं सम्बन्धित भाषीक संस्थाया जिम्मेवार पक्षपाखें ध्यानाकार्षण यानाच्वना। उकिं तत्काल हे सम्बन्धित सरकारी निकायया ध्यानाकर्षणयासें सवैधानिक हक अधिकारया सुनिश्चित ताया नितिं इनाप यानाच्वना। थुगु मागयात बेवास्ता यात धाःसा सडक आन्दोलनय् क्वहां वयेत बाध्य जुइ। थुगु विज्ञापित नेवाः देय् दबू स्वनिगः विशेष प्रदेश नायो श्रीकृष्ण महर्जन, नेपाल तामाङ घेदुङ बागमती प्रदेश नायो लीला कुमार घलान व नेवाः देय् दबू वागमती प्रदेश नायो विष्णु गोपाल महर्जनं ल्हाःचिं तया पिक्काःगु खः।

थुगु कथंया विज्ञापित पिहां वये धुंकाः साउन महिनासिं थीथी कथंया आन्दोलन ज्याइवः नं याःगु खः। सतकय् वया प्रदर्शन तर्क याःगु खः। माःगु कथं लविड नं याःगु खः। अबले साउन ८ गते ला आन्दोलन हे घोषणा यायेगु ज्या जुगु खः। आन्दोलन घोषणा याःगु इलय् थुगु कथं बुँखय् न्ह्यथनातःगु दुः

भाषाया नितिं नेवाः व तामाङ समुदायपाखें आन्दोलन घोषणा :

नेवाः देय् दबू वागमती प्रदेश, नेपाल तामाङ घेदुङ वागमती प्रदेश व नेवाः देय् दबू स्वनिगः विशेष समितिं भाषा आयोगको सिफारिस कथं बागमती प्रदेशय् नेपालभाषा व तामाङभाषायात कामकाजि

भाषा कथं लागू यायेत मागयासें दबाव मुलक ज्याइवः घोषणा याःगु दु। साउन ८ गते आइतवाः बागमती प्रदेशया राजधानी हेटीँडाय् हे थुगु स्वंगु संगठनया मंकाः मुँज्या च्वना आन्दोलनया घोषणा याःगु विज्ञापित थुगु कथं न्ह्यथनातःगु दुः नेवाः देय् दबू वागमती प्रदेश नायो विष्णुगोपाल महर्जन, नेपाल तामाङ घेदुङ वागमती प्रदेश नायो लीला कुमार घलान व नेवाः देय् दबू स्वनिगः विशेष प्रदेशका नायो श्रीकृष्ण महर्जनं ल्हाःचिं तया आन्दोलन घोषणा याःगु ज्याइवः कथं साउन ८ गतेसिं १० गते तक बागमती प्रदेशया फुक्क सांसदत नापं राजनीतिक दलया नेतातपिस पौ छु वयेगु, साउन ११ गतेसिं १३ गते तक सांसदपिन्त माग पूर्वकेगु नितिं भूमिका म्हितेत इनापयासें एसएमएस छ्वयेगु, साउन १४ गतेसिं २० गते तक सामाजिक सञ्जालय् नारानिसिं सन्देश तयेगु व स्थानीय आवश्यकता कथं अन्तिक्रिया, गोष्ठी, बैठक, भेलानिसिं प्रदर्शन यायेगु धाःगु दु।

विज्ञापित नेपालया संविधान कथं भाषा आयोगं नेपालभाषा व तामाङ भाषायात बागमती प्रदेशया सरकारी कामकाजि भाषाया रुपय् सिफारिस याःगु, भाषा आयोगं सरकारयात प्रतिवेदन बिजुगु संस्कृति पर्यटन तथा नागरिक उड्डयन मन्त्रालयसं पौ छ्वःगु नापं संस्कृति पर्यटन मन्त्रालयपाखें प्रदेश मन्त्रालयसं पौ छु वःगु अवस्थाय् तर्क प्रदेशं भाषा आयोगया सिफारिस कथं ज्या मयाःगुलिं बाध्य जुया दबाव मुलक ज्याइवः हयेमाःगु खः धकाः न्ह्यथनातःगु खः। अबले थुगु कथं संघर्ष घोषणा याना सतकय् तर्क क्वहां वनेगु ज्या जुगु खः। अन्ततः मदिकक पहल याना, लविड याना, दबाव बियानिसिं आन्दोलन याना जक बागमती प्रदेशं नेपालभाषा व तामाङ भाषायात सरकारी कामकाजि भाषाया रुपय् लागू यायेगु नितिं ऐन दयेकेगु ज्या जुगु खः। थ्व धइगु संवैधानिक व्यवस्थायात नं आन्दोलनया बलं जक उपलब्धी जुगु खः धकाः थुइकेमाः।

बागमती प्रदेशं नेपालभाषायात सरकारी कामकाजि भाषाया रुपय् लागू यायेगु ज्या जुयाच्वंगु हे इलय् आः वया नेवाः देय् दबू स्वनिगः विशेष प्रदेश समितिं स्वनिगःया फुक्क नगरपालिकाय् स्थानीय भाषा ऐन दयेकेमाः धकाः अभियान न्ह्याकेगु ज्या यानाच्वंगु दु। स्थानीय भाषा ऐन दयेकेगु नितिं नेवाः देय् दबूया यँ जिल्ला समिति, यल जिल्ला समिति, ख्वप जिल्ला समिति व स्वनिगःया भिँच्यागू हे नगरपालिकाया समिति सक्रिय जुयाच्वंगु दु। भिँच्यागू हे नगरपालिकाय् नेवाः व तामाङतयगु जनसंख्याया अवस्थायात तर्क उल्लेख याना औपचारिक रुपं पौ बिइगु ज्या तर्क यानाच्वंगु दु। भाषा आयोगं गथे थनि निदँ न्ह्यः केन्द्रीय सरकारया मन्त्रालययात पौ च्वल अले केन्द्रीय सरकारया मन्त्रालयपाखें बागमती प्रदेशया नितिं पौ च्वल अले व पौ नेवाः देय् दबू स्वनिगः विशेष प्रदेश समितिं बागमती प्रदेशया राजधानीइ हे वना सम्बन्धित मन्त्रालयायत थ्यंकेगु ज्या याःगु खः। अथे हे आः नं भाषा आयोगया सिफारिस पौ सहित ज्वना नेवाः देय् दबूया फुक्क पालिका समिति व जिल्ला समिति स्वनिगलय् सक्रिय जुयाच्वंगु दु।

नेवाः देय् दबू स्वनिगः विशेष प्रदेशया पहलय् नेपाल संवत ११४४ तखलाज्व सप्तमि विहिवाः २०८१ जेठ ३१ गते च्वःगु स्थानीय भाषा ऐनया नितिं भाषा आयोगं च्वःगु पतिइ थुगु कथं उल्लेख जुयाच्वंगु दुः

सरकारी कामकाजया भाषा कार्यान्वयनया नितिं सिफारिस याःगु

सन्दभय् नेवाः देय् दबू स्वनिगः विशेष प्रदेश समितिपाखें २०८१ जेठ ३१ गते वःगु पौ कथं स्थानीय पालिकाया जनगणनाया तथ्यांक नापं भाषिक समुहया जनसंख्याया विवरण धलः तर्क थुगु आयोगय् वःगुलिं वइगु आर्थिक बर्ष २०८१/०८२ सँ अन पालिकापाखें भाषा आयोगया सरकारी कामकाजया भाषा सम्बन्धी सिफारिस २०७८ व पुरक सिफारिस २०८० बमोजिम स्थानीय तहसं स्थानीय भाषा ऐन सहितया भाषिक नीती, कार्यक्रम नापं बजेटया व्यवस्था याना कार्यान्वयन यानादीत थुगु भाषा आयोगया मिति २०८० चैत्र १२ गतेया निर्णय कथं सिफारिस सहित इनाप यानाच्वना।

थुगु ब्यहोरा नाप नाप स्वनिगःया भिँच्यागू हे नगरपालिकाय् नेवाः व तामाङतयगु अवस्था थुगु कथं दुः

यँ जिल्ला १) शंखरापुर नेवाः ६३५२ र तामाङ १०६६१, २) कागेश्वरी महनहरा नेवाः ११३७८ र तामाङ १५६२३, ३) गोकर्णेश्वर नेवाः १६१७२ र तामाङ ४३४६८, ४) बुढानिलकण्ठ नेवाः २१२६७ र तामाङ २०७२२, ५) तोखा नेवाः २१४६७ र तामाङ १२०८८, ६) तार्केश्वर नेवाः १८५२८ र तामाङ २४६५५, ७) नागार्जुन नेवाः १८९२१ र तामाङ १५०२१, ८) यँ महानगर नेवाः २१२०८९ र तामाङ ६६८२६, ९) किपू नेवाः २५३७४ र तामाङ ५१२१, १०) चन्द्रागीरी नेवाः ३०५६९ र तामाङ १६६८४, ११) दीक्षणाकाली नेवाः ६४८० र तामाङ ७२२९

ख्वप जिल्ला १) चांगुनारायण नेवाः २२७५९ र तामाङ ११४१७, २) ख्वप नेवाः ५८५३८ र तामाङ ६०३२, ३) मध्यपुर थिमि नेवाः ३७८४२ र तामाङ ९२४०, ४) सुर्यविनायक नेवाः ३४३१३ र तामाङ १७६६८

यल जिल्ला १) महालक्ष्मी नेवाः ३०५४५ र तामाङ ९९५२, २) ललितपुर महानगर नेवाः १०७९८७ र तामाङ २४७२१, ३) गोदावरी नेवाः २३८११ र तामाङ १७८५१

जनसंख्याया थुगु कथंया विवावरण दुगु पौ नापं स्वनिगःया फुक्क नगरपालिकाय् सम्बन्धि पालिकाय् दुगु नेवाः देय् दबूया समिति या नेतृत्वय् जिल्ला समिति व स्वनिगः विशेष प्रदेश समिति या नेतृत्व सहित वाना बिइगु अभियान न्ह्याकाच्वंगु दु।

स्थानीय सरकार धइगु जनतालिसे तर्पक हे स्वापू दइगु सरकार खः। अले स्थानीय सरकारं भाषा ऐन दयेका लागू यात धाःसा अःपकु हे हिउपाः वःगु महसूस यायेफइ। बागमती प्रदेशया भाषा ऐनयात स्थानीय सरकारं नाला लागू हे यायेमाःगु बाध्यकारी अवस्था मदु। उकिं स्थानीय सरकारपाखें नं भाषा ऐन दयेकल धाःसा शिक्षा, सार्वजनिक सूचीसिं कया स्थानीय सरकारया फुक्क कथंया सेवा सुविधा धकाः थःगु मांभासं नेवाःतसें कायेफइगु अवस्था वइ। थुगु खँयात ध्यान तकया आः स्थानीय भाषा ऐनया नितिं अभियान न्ह्याकेगु ज्या जुयाच्वंगु दु। थुगु इलय् स्थानीय भाषा ऐन गुगु कथं दयेकेगु धइगु मास्यौदा तर्क सम्बन्धित पालिका सरकारयात लःल्हायेगु ज्या जुयाच्वंगु दु। थ्व ज्या समग्र नेवाःतयगु नितिं खः। नेवाः समुदायया नितिं खः। उकिं नेवाः खलः पुचःनिसिं नेवाः समुदाय व स्थानीय सरकारय् दुपिं जनप्रतिनिधि व राजनीतिक दलया नेतातसें नं थ्व संवैधानिक ज्या खः धकाः थुइकाः ग्वहालि यायेमाः। आन्दोलन तक यायेमालीगु अवस्था मवयेकेगु नितिं सकलसितं थःथःगु थासं भूमिका म्हितेमाःगु आवश्यकता दु।

संकिपाकःमितय् बिदेशया मोह ?



नरेन्द्रमान श्रेष्ठ 'उवंगःजु'



नेपालि सँकिपाया निर्माण टेलि सिरियलया निर्माण रियालिटी शोया निमृण नाप नाप सँकिपा सम्बन्धि थिथि टेलिभिजन ज्याभवत बिदेशया नकल याना च्वग्नु खनेद । अप्ठ ध्याथे भारतीय नाप प्रभावित खनेद । अथेला नेपाःया कलाकमित बिदेश धालकि हुरुक्कय नेपाःया गुलिखे कलाकमित बिदेशय पलायन जुया च्वग्नु खनेद । अथेला बिदेश प्रतिमोह जुयाय जुइ नेपाःया कलाकःमिपिं धमाधम बिदेशय पलायन जुया च्वग्नु जुइ ।

छु वा: न्हय सँकिपा सम्बन्धि अवार्ड डि सिने अवार्ड सिने सर्कल अवार्ड गोपीकृष्ण फिल्म अवार्ड दादा साहेब फाल्के फिल्म अवार्ड क्वचागु दाद साहेब फाल्के अवार्ड भारतया नकल खः । आ: सँकिपा सम्बन्धि अवार्डया सिजन शुरु जुलाकि छु धकान सँकिपाया बजार चर्चा न जुल । नेपालय हिट जुइगु सँकिपात स्वयान अप्ठ सँकिपाया अवार्ड बितरण यायगु सस्थान अप्ठ दु धकान धाइ । नेपालय दैय निगु प्यगु सँकिपाया निर्माता तयस जक सँकिपा पाखे लभ कया च्वगु खनेद । तर सँकिपाया अवार्ड बितरण याइगु सस्थान धासा ग्वा ग्वा: खनेद । अभला गुलिखे अवार्डत ला बिदेशय नाप यायगु याना च्वगु खनेद । अथेला अप्ठ ध्याथे नेपाःमि तयत बिदेश प्रतिमोह खनेदया च्वगेद धासा जिउ । नेता निसे अभिनेता तक बिदेशिया मोह अप्ठया च्वन धासा जिउा धायतला नेपाःया अप्ठ ध्याथे राजनिती बिदेशया इशारा चले जुया च्वगु द धाय गुलिखे नेपामि पिन्स बिदेशया कला संस्कृति संस्कार रिटिरीवाज नाप नाला कया च्वगु द धकान धायगु याना च्वगु खनेद । अथेला नेपाःमि पिन्त बिदेश धालकि तसकं यः । ज्या यायतन बिदेश , आखः ब्वनेतन बिदेश वास यायतन बिदेश सामानतन बिदेशयाय यः फेशनन बिदेशयाय यः। सँकिपा टेलिप्याखँतन बिदेशयाय यः । अथेय धायगु खसा खासयाना नेपाःया कलाकमितयक्य बिदेश प्रति अप्ठ मोह द धासा जिउ गुलिखे सँकिपा कमित यस बिदेशि सँकिपाया नकल याना सँकिपा निर्माण याना च्वगु खनेदसा बिदेशि सँकिपा सम्बन्धि गतिविधि यानाप नकल याना च्वगु खनेद । अथेला साकिपाकमित जक बिदेशया भक्त मखसे नेपाःया थिथि टेलिभिजन च्यानलत नाप बिदेशिया प्रतिमोह खनेदया च्वगु खनेद । बिदेशि टेलिभिजन च्यानलतला पाखे प्रसारण जुया च्वगु टेलि रियालिटी शो प्रति मोहति जुया जुइ नेपाःया टेलिभिजन च्यानल तयस बिदेशी टेलि रियालिटी शोया नकल याना नेपाया टेलिभिजन च्यानल तयस प्रसारण याना च्वगु खनेद । अथेय नेपाःया सँकिपाकमित तयस टेलिभिजन च्यानलतयस बिदेशि टेलि सिरियलयात नेपाया खस भाष. डब याना नेपाया टेलिभिजन च्यानल



तयस प्रसारण याना च्वगु खनेद ।

नेपालि सँकिपाया निर्माण टेलि सिरियलया निर्माण रियालिटी शोया निमृण नाप नाप सँकिपा सम्बन्धि थिथि टेलिभिजन ज्याभवत बिदेशया नकल याना च्वगु खनेद । अप्ठ ध्याथे भारतीय नाप प्रभावित खनेद । अथेला नेपाःया कलाकमित बिदेश धालकि हुरुक्कय नेपाःया गुलिखे कलाकमित बिदेशय पलायन जुया च्वगु खनेद । बिदेश प्रतिमोह जुयाय जुइ नेपाःया कलाकमित धमाधम बिदेशय पलायन जुया च्वगु जुइ । खासयाना नेपाःया कलाकमित अमेरिका बेलायत नापनाप थिथि देशय पलायन जुया च्वगु खनेद । बिदेशया मोहखकि मेमेगुय कारण खः । लिपागु इलय सँकिपा कमित सँकिपा निर्माण कर्ता त सँकिपा छायाकन बिदेश यायगु याना च्वगु न खनेद । अथेला बिदेशय सँकिपाया छायाकन यायबलय कलाकमितपन्तला लाभय खनेद । सिटिक बिदेशय सयर याय खनि अले दाँ न वयवइ अले नय न दइगु थय न दयगु धाथे कलाकमितयत । तर बिदेशय छायाकलन यागु सँकिपात बक्स अफिसय असफल याना टायँ तााय फिस जया च्वगु खनेद । अथेय नेपालय सँकिपा निर्माण याइगु सस्थान स्वयान सँकिपा सम्बन्धि अवार्ड

ज्याइव यायगु सघ सस्थान अप्ठ धासा जिउ । अथेय सँकिपा सम्बन्धि अवाइ ज्याइवत बिदेशय यायगु याना च्वगु न खनेद । थिथि सघ सस्था तयस थिथि नाम सँकिपा सम्बन्धि अवार्डत क्यानाडा मलेसिया अमेरिका कतार आदि थीथी देशय यायगु याना च्वगु खनेद । अथेला नेपाःया सँकिपा अवार्ड ज्याइवत उलि बिश्वास याय थाय मद धकान कलाकमित तय दथुयय चर्चाला जुयाय च्वगुन खनेद । अथेय नेवा: सँकिपा लागायन पेज श्री अवार्ड यायगु या अथेय नेवा: सुपरस्टारया घोषणनया: तर नेवा: सँकिपा ख्य चाहि अचममयाखः कहि नभएको जात्रा हाडी गाउँमा धाथे । नेवा: सँकिपा ख्यलय न्याम्ह न्याम्हला नेवा: सुपरस्टार दु । मेमेग सँकिपा ख्यलय छम्ह जक सुपरस्टार दइ सुपरस्टार धयाम्ह स्टार तयन स्टार खः । तर न्याम्ह न्याम्ह यात नेवा: सुपरस्टार घोषणा याइगु सँकिपा ख्यख थ्व नेपा सँकिपा ख्य धइगु । सुपरस्टार धायपिन न्याम्ह न्याम्ह जुइला भिम्ह नेवा: हिरोत मदुग अले भिगु सँकिपातय हिरो जुया अभिनय यापि मदगु नेवा: सँकिपा ख्यलय न्याम्ह न्याम्ह नेवा: सुपरस्टार पत्या यायथाय दुला नेवा: सुपरस्टार घोषणा यायगु धइग

मचाबलय कतामरी म्हितेथे खला वा कि यकँ धाला म्हितेथे गजयाय खःवा नेवा सँकिपा ख्य धइगु यात ग्वसा खलक सुपरस्टारया अर्थय मथु यात। अथेय बिदेशय सँकिपाया छायाकन यायगु व बिदेशय अवाइया ज्याइव यायगया कारण छु अथेला गुलिखे सँकिपाया अवार्ड ज्याइवया ग्वसा खलतयस बिदेशय अवाइया ज्याइव यायगु धइग अन्तराष्टिय नेपालि सँकिपाया बजा: मालेत ख : धकान धायगु याना च्वगु खनेद । अथेय नेपालि सँकिपाया प्रचार प्रसारया गुवाहालि यायत खः धका धासा पत् या याय थाकु बिदेशय सँकिपाया छायाकन यायगु व बिदेशय अवाइया ज्याइव यायगु याना च्वगुयात ग्वसा खल तयत छु गजगु लाभ दइ कारण माले माथे च्वँ सम्बन्धित सरोकारवाला तयस । अथेला बजारय हल्ला कथला गुलिखे बिदेशय सँकिपाया छायाकन व अवार्ड ज्याइव याइपि ग्वसा खल तयस मानब तस्करी याना च्वगु जक मदुला धकान चर्चाला जुयाय च्वगु खनेद । अन्तराष्टिय स्तर नेपालि सँकिपाया बजा: मालेगु खःसा ला नेपालि सँकिपाया बिदेशय रिजिज यायगु व बिदेशीतयत नेपालि सँकिपा प्रति आकर्षण यायमा कि गथे ।

राम प्रजापति
प्रोप्राइटर

हारती मिठाई भण्डार
(बुद्ध शाकाहारी)

कालिमाटी चोक, टंकेरवार मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, ब्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

आयो नून खाउं स्वस्थ रहौं

आयो नून खाउं स्वस्थ रहौं

आयो नून खाउं स्वस्थ रहौं

आयो नून खाउं स्वस्थ रहौं

आयो नून खाउं स्वस्थ रहौं

आयो नून खाउं स्वस्थ रहौं







पन्नारत्न महर्जन



शौ चिपं थीकेगुली यक्व हे बिकृतिं थाय् काय् धुंकल । म्ह्यामचा औमचापाखें जक मखु महसिक्व तासिक्व दक्वं थःथितिपिं नापं चिपं थीकेगु धकाः प्वः प्वः मरिचरि फलफुल व कोक अय्लाः सिसिकाः सिसि जवनावय्गु यानाच्वंगु दु । अफला थःथिति मखुसां महस्यूगु नातां तर्कं वयाचवनी । थज्याःगु दक्वं नसात्वंसा सीथाय् छैयापिसं जक नय् फयाचवनी मखु, घुतुं न वनी मखु । मेपिन्त सुयातं ब्यूसां सीथाय् छैयागु धकाः सुनानं काय्त् हिचकिचय् जुइ ।

सीया चिपं थीकेगु खं

भीगु सामाजिक परंपरा व संस्कार कथं सुं नं थःथितिपिं सीबलय् चिपं थीकः वने माःगु चलन दु । चिपं थीकः वनेगु धयागु सीथाय् छैजःपिंत सी मुइ धुंकाः दुखया इलय् दुख सहयाय् फय्क धादस बियाः प्वाथय् फसं मदक नकः वनीगु खः । चिपं थीकः वनेबलय् अय्लाः, फलफुल, मरिचरि आदि ज्वनाः वनेमाः । सी मुइ धुसेनिसें कन्हय्खुनु तर्कं थथे वनेगु चलन दु । सुं नं चिपं थीकः वइपिं मदुगुयात मभिं व असुभ कथं काइगु भीगु सामाजिक संस्कार दु ।

चिपं थीकः वनी बलय् यक्व सतीपिं थःथितिपिं जक मखु यक्व तातापाःपिं नं वनेगु याः । थःथिति मखुसां भचा हेमचेम दुगु परिवार जुल धाय् व पासाभाइपिं नापं वनेगु याइ ।

सुं नं थःथितिपिन्त आपत बिपत परय् जुइबलय् ग्वाहालि याय्गु भीगु परंपरा दु । थज्याःगुयात तसकं बांलाःगु संस्कार कथं काय्माः । थज्याःगु हे सामाजिक संस्कारं यानाः भीत छपं छधी जुइत ग्वाहालि जुयाच्वंगु दु । ।



सी ममूतले नय् मत्यः धयागु चलन दु । अफला सिथं यंकेगु लिपा लात धाय् व निधौ प्यधौ जक मखु न्हं न्हुतक नं छांलाइ । प्वाः खालि यानाः नसा

मदइगु अबस्थाय् ला भन हे नुगः पिपिच्याइ । सिथं यंकेगु ज्याय् थःपिं नं सहभागि जुयागु खःसा नं छै वय् धुंकाः थःछैया मेपिं जःपिनि नःला मनःला धयागु धन्दा जुइ । गुलि जक पीर कयाच्वन ज्वी धयागु मती वइ । पीर जक काकां छुं मनसे छांलाना च्वन धाय् व्वाःपिं नापं ल्वचं कय्का च्वनी धकाः धन्दा जुइ । अथे जुयाः प्वाथय् फसं दनी बलय् फय् पिपिनेत वासः ब्वति कथं उगु इलय् छयलीगु अय्लाः भचा व ताकत बीगु कथं कयातःगु मरिचरि व फलफुल भचा ज्वनाः वइगु खः । थुकथं हे भौमस्तय् थःछै पाखें नं थज्याःगु हे आसय् ज्वनाः अय्लाः फलफुल व मरिचरि ज्वनाः वइगु खः । थज्याःगु पध्दतियात हे चिपं थीकेगु धकाः नामाकरण यानातःगु खः । थज्याःगु खंयात ब्रैज्ञानिक पध्दति कथं काय्माः ।

शौ चिपं थीकेगुली यक्व हे बिकृतिं थाय् काय् धुंकल । म्ह्यामचा भौमचापाखें जक मखु महसिक्व तासिक्व दक्वं थःथितिपिं नापं चिपं थीकेगु धकाः प्वः प्वः मरिचरि फलफुल व कोक अय्लाः सिसिकाः सिसि जवनावय्गु यानाच्वंगु दु । अफला थःथिति मखुसां म्हस्यूगु नातां तर्कं वयाचवनी । थज्याःगु दक्वं नसात्वंसा सीथाय् छैयापिसं जक नय् फयाचवनी मखु, घुतुं नं वनी मखु ।

मेपिन्त सुयातं ब्यूसां सीथाय् छैयागु धकाः सुनानं काय्त् हिचकिचय् जुइ । निन्हु प्यन्हु लिपा ध्वगिनाः दक्वं वाय् यंके मालाच्वनी ।

भीसं भीगु संकृति न्ह्याके माः, थ्व अबस्य खः । थ्वयात ल्वःमंका छ्वय् मज्यू । भी पूर्खापिसं न्ह्यागु ज्यां बिज्ञानय् आधारित यानाः प्रकृति नाप भयलय् पुने फइ ज्वलं यानावयाच्वं खः । संस्कृति न्ह्याकेत नं थज्याःगु हे लैपु नालातःगु दु । छुं अन्धबिश्वासयात न्ह्यचीकाः यानातःगु मदु । भीसं थज्याःगु छुकियातं वास्ता याय्गु मस्वः ।

समय सापेक्ष कथं न्ह्याय् माःगु शौया जमानाय् नं पूर्खापिसं बैज्ञानिक आधारय् न्ह्याकातःगु रितिथितियात तर्क अन्धबिश्वास यात बःकयाः बिकृती हीकाः यंकाच्वन । बैज्ञानिक बिस्लेसन मयासे फगत न्हापानिसें यानावयाच्वंगु धकाः मिखा तिसिनाः बैज्ञानिक आधारयात तर्क वास्ता मयासे याय्गु पाय्छि मजू । थज्याःगुली धाइ ल्हाइया सिकं माः म्वाः बिचाः यानाः याय्माः । छ सिकं छाय् कम जुइ धयागु भाबना ब्वलके मज्यू । माः म्वाः स्वयाः हे जक याय्गु बांलाइ । थुकी हे भी पूर्खापिन्त कदर याय्गु जुइ, पूर्खापिसं छयलाबुलाय् हयातःगु बैज्ञानिक पध्दतियात ल्यंकातय्गु जुइ ।



जहान परिवारया सुं नं जःपिं सी बलय् छैजःपिन्त नुगः मछिनीगु स्वभाबिक खः । निहं निहं नापं च्वनाः खैल्हा बल्हा यानाच्वनाम्ह एकाः एक मदइ बलय् सुयात जक नुगः मछिं मजुइ ? थज्याःगु अबस्थाय् नुगःयात चिनां ची तर्कं मफय् यः ।

तसकं म्हं मफइ बलय् म्हं मफुम्हेसित बिचाः यानाच्वने बलय् नय् त्वने तर्कं उलि घुतुं मवनेफु । भन सिहे सी बलय् नय् त्वने वास्ता हे नं मदय्यः । उकीसं भीगु सामाजिक मान्यता कथं सुं नं छै जःपिं सित धाय् व

मनसे च्वनेगु धयागु ल्वय्यात लसकुस याय्गु खः ।

सीथाय् छैय् न्हापा लिपा थें चहल पहल दइमखु । न्ह्याबले नापं चुं च्वनाम्ह मदइ बलय् छै हे भिभ्रंमिभ्रं दं थें जुइ । सी मुइ धुंकासां नय्त्वनेगु वास्ता मदयाः भुमी यंकूपिं थें जुयाच्वने यः । थज्याःगु अबस्थाय् सुनानं छुं धाःमन्त धाय् व्वाःपिन्त नापं ल्वयं थीयः ।

भीगु सामाजिक संरचना दुने म्ह्यायमचात बियाछ्वय् धुपिं जूसां थःछैया च्यूता तयाच्वनी । छैजःपिं

हरेक मंगलवार
राष्ट्रियताको लागि समर्पित



मेरो साप्ताहिक
मना साप्ताहिक Mero Saptahik
मालाः मालाः ब्वनादिसं ।



Sweet Cave
(जीवन दाईया पसः)

Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।
आउटडोर भेज क्याटरिङ पनि गरिन्छ ।

नेवाः हाइकु ख्यःया प्यदँ बुदिं हन



नेवाः हाइकु ख्यःया प्यदँ बुदिंया लसताय् छू तःजिगु ज्याइवः जुगु दु। प्यदँ बुदिंया लसताय् जुगु उगु हाइकु मुँज्याय हाइकु ख्यःया विकासय् ज्वःमदुगु ज्या यानादीपिन्त मूपाहाँ यल महानगरपालिकाया मेयर चिरिबाबु महर्जन हनादीगु खः। नेवाः हाइकु ख्यःया नायः सुरेश प्रधान यलया

सभाध्यक्षताय् जुगु उगु ज्याइवल्य हाइकुचमि साहित्यकार डा.आनन्द जोशी, लुम्बिनी बौद्ध विश्वविद्यालयया डिन मानिकरत्न शाक्य, अनिता लक्ष्मी सैजुपिन्त हनेगु ज्या जुगु खः। ज्याइवल्य नेवाः हाइकु ख्यः संस्थाया कानूनी सल्लाहकार किरण शाक्य, साहित्य समालोचक ध्रुव मधिकःमि,

डा. ज्योतिप्रभा तुलाधर समालोचक डा. पुष्पराज राजकर्णिकार लगायतया वक्तापिन्सं नुगःखँ तयादीगु खःसा पुष्कर माथेमा, मोक्षबहादुर अमात्य, मानिक उराय, दिव्या ताम्राकार, बद्रि बेदना, संजयराज शर्मा, मिलन शाक्य, कबिन्द्र लाल प्रधान, रिता महर्जन, ज्ञानेन्द्र बज्राचार्य, राजेश बज्राचार्य, रत्न मन, हिंसिलिना शाक्य, तेज हमाललगायत विदेशय् चर्चिप हाइकुचमि केशरमान तुलाधर, अन्जना ताम्राकार, रितादेवी प्रधानपिन्सं नं अनलाइनपाखें हाइकु ब्वनाः न्यंकादीगु खःसा समालोचक डा. पुष्पराज राजकर्णिकारं अन न्ह्यःब्वःगु हाइकुया बारे समालोचना यानादीगु खः।

वटुइ बाँसुरी प्रशिक्षण



वटु बासुरी खलकं थःपिनिगु संस्कृति म्हासिकेगु निति न्हुगु पुस्तायात सीप हस्तान्तरण यायेगु कथं बासुरी प्रशिक्षण न्ह्याकूगु दु। यँया २२ वडाय् वटु त्वालं श्री नाथेश्वर छुट गुथि व वटु बासुरी खलः समाजं बासुरी प्रशिक्षण ज्याइवः याःगु खः।

थ्व हे वडगु यःमरी पुन्हीया लसताय् जुइगु मंसिर ३० गते ज्यापू दिवसया तयारी यायेगु कथं बासुरी प्रशिक्षण जुगु खः। वटु बासुरी खलःया अध्यक्ष सज्जिव महर्जन बिउगु प्रशिक्षणय् नीन्याम्हासित प्रशिक्षण बिउगु खः।

लिपि स्यनीगु ट्युटोरियल एप सार्वजनिक

नेपाल लिपि गुथि व दबुली नेपाःया मंकाः कुतलं यँ महानगरपालिकाया ग्वाहालिं दयेकूगु नेपाल लिपि व रञ्जना लिपि च्वयेगु स्यनीगु ट्युटोरियल भिडियो व नेपालभाषा डिक्सनरी एप पिदंगु दु।

उगु ट्युटोरियल नेपाल लिपि व रञ्जना लिपिया स्वर वर्ण व व्यञ्जन वर्ण गुकथं च्वयेगु धयागु अःपुक स्यनाबी। थुगु ट्युटोरियललिसें सार्वजनिक जुगु नेपालभाषा डिक्सनरी एपसं नेपालभाषाया खंयःया अर्थ



थुइकेगु लिसें नेपालभाषा सयेकेत नं ग्वाहालि याइगु खँ धाःगु दु।

उगु ज्याइवल्य यँ महानगरपालिकाया उपमेयर सुनिता डंगोल, नेपालभाषा एकेडेमिया भाइस

चान्सलर मल्ल के सुन्दर, भाषा आयोगया दुजः सुरेश मानन्धर व नेपालभाषा केन्द्रीय विभागया प्रमुख सह प्रा. डा. राजनलाल जोशी पितब्वज्या यानादीगु खः।

महेशमान लँजुवाःया न्हूगु म्ये पिदन



नेपालभाषा साहित्य ख्यलय् नांजाःमह च्वमि महेशमान डंगोल लँजुवाःया च्वसां पिदंगु राष्ट्र प्रेम भावं जाःगु म्ये “नेपामि भी”या म्युजिक भिडियोया पितब्वज्या आइतवाः जुगु दु।

नांजाःमह निर्देशक रामकृष्ण खड्गी निर्देशन यानादीगु थ्व म्ये प्याखनय्

कलाकार वा मोडल म्हायःसे म्येया प्राविधिक व सर्जक कलाकारपिन्त हे अभिनय याकाः न्हू पलाः न्ह्याकातःगु दु।

आशिष डंगोल, सजल महर्जन, कुण्जनी महर्जन व यजु शिल्पकारपिन्सं हालादीगु थ्व म्येया संगीतकार नील शाक्य, किपालुमि रकि महर्जन,

सम्पादक बालकृष्ण बंशी व रेकर्डिङ फिरोज बज्राचार्य यानादीगु खः।

नांजाःमह म्येहालामि जुजुकाजी रन्जित मूपाहाँ कथं भायादीगु पितब्वज्या ज्याइवः म्ये च्वमि व लायतःमि महेशमान लँजुवाःया सभानायःसुइ न्ह्याःगु खः।

ज्याइवल्य वरिष्ठ संगीतज्ञ अमरराज शर्मा राजोपाध्यायया नापनापं साहित्य व सकिपा कला विश्लेषक प्रकाश सायमि, नेपालभाषाया न्हापांमह म्युजिक भिडियो निर्देशकलिसें बरिष्ठ सिनेपत्रकार विजयरत्न असंबरे विशेष पाहाँ कथं भायादीगु खः।

ज्याइवल्य पाहाँपिं लिसेलिसें म्येच्वमि लँजुवाः, लय् चिनामि नील शाक्य, निर्देशक रामकृष्ण खड्गीं नुगःखँ तयादीगु खः।

ख्वीन्हुया बुटिक कोर्ष ट्रेनिङ क्वचाल



यल महानगरपालिका १६ वडाया व्यवस्थापनय् आः याकन हे चान्हय् नं थःत यःगु व थयात माःगु

सामान न्यायेमिइ दइ कथं रात्रीकालिन बजाः चायेकेगु ग्वसाः जुया च्वंगु खँ यल महानगरपालिका वडा नं १६ या

वडाध्यक्ष निर्मलरत्न शाक्य कनादीगु दु। यलया वडां नं १६ या ग्वसालय् मिस्तयेत आत्म निर्भर व स्वरोजगार या आज्जु ज्वना गर्जियस फेशन टेक्नोलोजि इन्स्टिच्युट (गिफ्ट) पाखें ख्वीन्हु यंककया बुटिक कोर्ष ट्रेनिङया समापन ज्याइवल्य अथे धयादीगु खः।

गिफ्टया प्रशिक्षक कलाकार शोभा महर्जन उगु ज्याइवल्य यल वडा १६ या नीमह मिस्तयसं ब्वाति कयादीगु खः।

वीरेन्द्र भक्त श्रेष्ठ मन्त

प्रजातान्त्रिक आन्दोलनया योद्धा लिसें नेपाली कांग्रेसया पुलांमह नेता, नेवाः स्वायत्त राज्य मंकाः संघर्ष समितिया दुजः वीरेन्द्रभक्त श्रेष्ठ मन्त। ८० दँ दुम्ह वयकः मेडिसिटी अस्पतालय् मदुगु खः। मदुम्ह श्रेष्ठया जहानलिसें छम्ह म्हायय् व छम्ह काय् दी।

श्रेष्ठ नेपाली कांग्रेसया पुलांमह कार्यकर्ता खःसा २०१७ सालय् जुजु महेन्द्र प्रजातन्त्रयात हत्या याःगु विरुद्ध



सतकय् क्वाहाँ वयाः जेल वंमह व्यक्त खः।

आदिवासी संकिपाया...

अथेहे, वरिष्ठ सिने पत्रकार विजयरत्न असंबरे मातृभाषी संकिपाकःमितयसं नाफा वा छुं नं कथं आर्थिक लबःया आशा मयाःसे समुदाय व मातृभाषाया उत्थानया हे लागिं थ्व ख्यलय् न्ह्यज्यानाच्वंगु धयादिल। नेवाः फिल्म सोसाइटीया नायः बिराजकाजी राजोपाध्याय संकिपायात कथावस्तु हे आदिवासी जनजाति संकिपा दयेकीगुलिइ बः ब्युसें भाषा, वसः व लोकेसनय् जक ध्यान बियां मगाइगु धयादिल। अथेहे, फिल्म सोसाइटीया

निवर्तमान नायः लुःजः सिंह विचार विमर्श, सहलहं हे न्हुगु बिचाः पिथनाः नेवाः संकिपा ख्यःया उत्थानया लागिं नेवाः फिल्म सोसाइटी जानाच्वंगु धयादिल। असार ९ गते आइतबाःनिसें न्ह्याःगु कार्यशाला गोष्ठी वडगु असार १२ गते बुधबाः क्वचाइ। कार्यशाला गोष्ठीया न्हापांगु दिनय् पेजश्री बाःछिपौया सम्पादकलिसें सर्ट फिल्म निर्देशक व स्क्रिप्ट च्वमि दर्शनवीर शाक्य आदिवासी जनजाति विषयवस्तुइ स्क्रिप्ट च्वयेबलय् बिचाः यायेमाःगु पक्षयाबारे खँ तयादीगु खः।

A New Book in Study of Newars of Nepal

NEWAROLGY MATTERS

By Daya R. Shakya
Portland, Oregon, USA
Drasha@aol.com



Available at various book stores in Kathmandu, Nepal

Ratna Pustak Bhandar, Mandala Book Points, Educational Book House, Tibet Book Shop, Vajra Books, Mind Body Shop and Ratna Books

Distributor

Shree Devi Shrestha
9808-940190 Viber/ Whatsapp
USA

Mahindra Pradhan, NOA, Washington DC Region
Nareh Shakya, NY
Samanta Shree Bajracharya, MA
Sanjaya Shakya, Denver, CO

Nriya Mandala Mahavihar, Himalayan Gifts, Portland, Himalayan Grocery, Hillsboro OR
Canada

Meenu Rajbhandari, Vancouver BC

नागबहालय् निन्हुयंकं रात्रिकालिन व्यापार मेला



यल महानगरपालिका-१६ वडा महिला कमिटीया ग्वसालय् कन्हय् असार ११ व १२ गते स्थानीय नागबहालय् रात्रिकालीन व्यापार मेला जुइगु दु ।
बहानिया इलय् न वडाय् दुने चहलपहल अप्पोकेगु व उद्यमी

उत्पादना यागु ३५ गु स्टल दइ धका धाःगु दु ।

निन्हुयंकं जुइगु उगु मेला बहानि ५ बजेनिसे ९ बजेतक जुइ । थ्व नाप सांगीतिक ज्याइवः व नेवाः नैसाया स्टल दइ । उगु मेलां यलय् पर्यटन प्रवर्द्धनया लागि बहानि बजारया सम्भावना व पूर्वाधार दयकेगुलि सकसिगु ध्यानाकृष्ट यायेगु निरति थुगु ज्याभूवः यायेत्यनागु खः धका वडाअध्यक्ष निर्मलरत्न शाक्यं धयादीगु खः ।

वडाअध्यक्ष शाक्यं थुगु व्यापार मेलां स्थानीय उत्पादनया प्रवर्द्धन जुइगु लिसें मिसातय्गु आर्थिक अवस्था च्वन्त्याकेत तिबः बीगु खँ कनादिल । वयकलं वडापाखें इलय्ब्यलय् न्ह्याकागु व्यावसायिक तालिमपाखें सय्कूगु थीथी शीप छ्यलाः स्थानीय मिसातय्सं उत्पादन याःगु ज्वलंया लिसें मेमेगु उत्पादन दइगु धयादिल ।

नविन्द्र स्मृति फिडे रेपिड चेसया उपाधि डा. सुशनयात




यँ महानगरपालिकाया संस्थापक उपमेयर नविन्द्रराज जोशीया लुमन्तिइ जुगु नविन्द्र स्मृति फिडे रेपिड चेस धेधेबल्लाःया उपाधि भापाया डा. सुशन गौतमं त्याकूगु दु ।
बुधवाः व बिहीवाः निन्हुयंकं यँया इतुम्बहालय् जुगु धेधेबल्लाख्यु डा. गौतमं उपाधिलिसें ट्रीफ व २० द्वः तका त्याकूगु खः ।
गुंगू चरणय् जुगु कासाय् ज्वलिनज्वः ७.५ ल्याः दुसां टाइब्रेकय् ख्वपया भेट्टान कासामि गणेशमान दुवाल ल्यु व यँया सिएम भगवतीप्रसाद शर्मा लियाल्यु लात । वय्कःपिसं म्हीतं १५ द्वः व १० द्वः तका त्याकल ।
यँ महानगरपालिका वडा नं. २४ व नेपाल चेस महासंघया मंकाः

ग्वसालय् जुगु कासाय् तनहुँया सुजन काफ्ले, ख्वपया राजेश कक्षपति पाँचौं, मखन चेस क्लबया राजन पुरी, लमजुङ्गया अनिश न्यौपाने, बाँकेया अभिक शाह, काभ्रेया शैलेन्द्र न्यौपाने व गोर्खाया कपिल गुरुङ्ग कथं प्यंगुगु निसें भिगुगु थासय् लायेत ताःलाःगु खः ।
स्वीसलिंगकथं गुंगू चरणय् निन्हुतक जुगु कासाय् ८० दँ दुम्ह भेट्टान सीतारा अग्रवाल साडे ६ अंकलिसें यँ उत्कृष्ट जुसे ३ द्वः त्याकल सा मखन चेस क्लबया नरेश स्थापित यँ ल्यु जुल । थुकथं हे मिसापाखे नेपाल च्याम्पियन सिन्दरा जोशी उत्कृष्ट जुइत ताःलात । ऐतिहासिक इतुम्बहालय् जुगु कासाय् टोखाका आशानारायण लवट भेट्टान न्हाप जुलसा सिन्धुलिया

हेम भण्डारी १८०० क्वय्या रेटिङ्ग व बभ्राङ्गया खगेन्द्र केसी १६०० क्वय्या रेटिङ्ग पुचलय् उत्कृष्ट जुल ।
कासाय् नेपाःया न्हापांम्ह अन्तर िष्ट्रिय आर्विटर ज्ञानेन्द्र खाइजु प्रमुख निर्णायक जुयादीगु खः ।
कासाय् ४० जिल्लाया ११८ म्हेसिया ब्वति दुगु खःसा त्याःपिं कासामिपिन्त यँ मनपा २४ या वडा अध्यक्ष विनोद कुमार राजभण्डारी, नेपाःया चेसया न्ह्यलुवा सिताराम अग्रवाल व वडा सचिव रविन्द्र बज्राचार्यपिसं सिरपाः, ट्रीफ व दां लःल्हाःगु खः ।
बुधवाः नविन्द्रराज जोशीयात श्रद्धाञ्जली देछसें कासा न्ह्याकूगु खः ।



डा. बाल गोपालया सफू पितव्वज्या



श्रेष्ठं न्ह्यु सफूया बारे ध्वाथुइकादीगु खःसा मुपाहाँ गेल्लरं डा. बालगोपाल श्रेष्ठया न्ह्यु सफू उलेज्या यायेदुगुलिं थः तसकं लय्ताःगु खँ कनादिल ।

पाहाँ कथं भायादीम्ह बज्र पब्लिकेशन प्रा.लि.या अध्यक्ष विदुर डंगोलं डा. बालगोपाल श्रेष्ठ थेंजाम्ह व्यक्तित्वया सफू पिथनेगु भाला थःपिन्त वःगुलिं गौरवान्वित जुयागु व थ्वसिवे न्ह्यः वय्कःया द नेवार अफ सिक्किम सफू पिथने धुनागु खँ कनादिल ।

सफूया च्वमि डा. बालगोपाल श्रेष्ठं तःदँ लिपा बज्र पब्लिकेशन सफू पिथनादीगुलिं सुभाय् देछसें सकल भाषा, कला सम्पदा ह्यमिपिन्त हःपाः व तिबलं थुगु सफू छिकपिनिगु न्ह्यःने हयेफुगु प्रमुख कारण खः धका धयादिल । ज्याइवः डा. नरेश शाक्यं न्ह्याकादीगु खः ।

हलिं नेवाः दबूया न्हियांन्हिथं ज्याइवः डब्लूडीवी ज्याइवलय् वंगु आइतवाः डा. बाल गोपाल श्रेष्ठया न्ह्यु सफू 'हेरिटेज प्रिजरभेसन एण्ड राइट्स इन नेपाल'या मूपाहां प्रा. डा. डेविड गेल्लरं पितव्वज्या यानादिल ।
हलिं नेवाः दबूया नायः संयुक्त

दमःखिं व नगडा प्रशिक्षण



स्यस्यः समाजया ग्वसालय् स्वला यंकया दमखिं व नगडा प्रशिक्षण ज्याइवः यलया आमेबहालस्थित सेतो गणशे चपाछैय् तःजिक क्वचाल । निला यंक जुगु थुगु प्रशिक्षणया समापन ज्याइवया उलेज्या ललितपुर महानगर पालिकाया उपप्रमुख मंजली शाक्यं यानादीगु खः । उगु प्रशिक्षणय् ८० म्ह प्रशिक्षार्थी उपस्थिति जुगु खं सा ५८ म्ह प्रशिक्षार्थी जक पुवंक तालिम कयादिगु आयोजक समिति पाखेंजानकारी वगु दु ।

स्यस्य समाजयलया छयाञ्जे नापं संस्कृति तथा सम्पदा कमिटीया संयोजक साम्राज्य देव श्रेष्ठया सभापतित्वय् जुगु थुगु ज्याइवलय् मु पाहाँ कथं मजरी शाक्य भादिगु उगु ज्याइवलय् यल महानगरपालिकाया उपप्रमुख मुपाहाँ कथं भायादिगु खसा स्यस्य समाज यलया कावा अइइक्ष संस्कृति संरक्षण समितिया सदस्य सचिव ज्ञानेन्द्र श्रेष्ठ, ओमबहाल सेतो गणेश गुठीया थकाली कृष्णलाल श्रेष्ठ भायादिगु खः ।

बालबालिकाप्रति अभिभावकको भूमिका

- बालबालिकालाई निडर, सिपालु, सक्षम, योग्य र आत्मनिर्भर हुन प्रोत्साहन गरौं,
- बालबालिकाका लागि सुरक्षित एवं तनावरहित वातावरण श्रृजना गरौं,
- उनीहरूलाई गाली गर्ने, डर देखाउने, अरुसँग तुलना गर्ने र कमजोर बनाउने कार्य नगरौं,
- बालबालिकाको आत्मविश्वास र सृजनशील क्षमता बढाऔं,
- उनीहरूलाई खोज्ने र सिक्ने अवसर प्रदान गरौं,
- बालबालिकालाई अभिभावकसँग सुरक्षित रहेको अनुभूति गराऔं ।



नेपाल सरकार
विज्ञापन बोर्ड